



Allaahuma innii as-aluka alhaafiyata fiddunyaa wal aaxirati

Jële nañu ci Abdullah Ibn Umar yal na leen Yàlla dollee gërëm mu wax ne: Yonnente Yàlla bi yal na ko Yàlla dolli xéewal ak mucc daawul bàyyi di ñaan lii, bu gontee ak bu xëyee: "Allaahuma innii as-aluka alhaafiyata fiddunyaa wal aaxirati, Allaahuma innii as-aluka alhafwa walhaafiyata fii diinii wa dunyaaya wa ahlii wa maali, Allaahuma ustur hawratii - walla hawraatii- wa aamin rawhaatii, Allaahuma ihfasnii min vayni yadayya, wa min xalfii, wa han yamiinii, wa han simaalii, wa min fawxii, wa ahuusu Bika an uxtaala min tahtii".

[Wér na] [Abóo Daawuda soloo na ko, ak An-nasaa'iy, ak Ibnu Maaaja, ak Ahmat]

Yonnente bi yal na ko Yàlla dolli xéewal ak mucc daawul bàyyi ñaan yii bu gontee ak bu xëyee: (Allaahuma innii as-aluka alhaafiyata), ak mucc ci tawat yi, ak balaa yi, ak tar-tari àdduna yi, ak bânneexi ak fitnay àdduna yi (fiddunyaa wal aaxirati) li teew ak lay ñëwi ëllëg. (yaw sama Boroom maa ngi lay ñaan njéggal) ak farug bàkkaar yi ak baale ko, (ak jàmm) mucc ci ayib yi, (ci sama diine) ci bokaalee ak bidaa ak muy yi, (ak sama àdduna) ci musiba yi ak lor yi ak ay yi, (ak sama njaboot) samay jabar ak samay doom ak samay jegeñaale, (ak sama alal) samay alal ak samay jëf. (yalla suturaalal samay ayib) ak li nëbbu ci ay ayib ak i gakk ak gatteñlu te nga far samay bàkkaar, (te wóoral samay njàqare) samay tiit ak samay ragaal. (yaw sama Boroom sàmm ma) jeñal ma balaa yiy lore, (ci sama kanam ak sama ginnaaw, ak sama ndayjoor, ak sama càmmooñ, ak sama kaw) mu ñaan Yàlla mu sàmm ko ci gépp wet; ndaxte balaa yi ak gakk-gakk yi day dab nit ki di ko jublu ci wet yii yépp. (maa ngi muslu ci sag màggaay ñu bett ma) jàpp ma ci ag mbetteel, alag ma ci ag càggante (ci samagron) ñu alag ma cig mëdd.

<https://sunnah.global/hadeeth/wo/show/5485>

